

SEBOPEHO SA BOKRESTE

Lenane-thuto

Notes

—

KAROLO #1:

- I. Selelekela.
- II. Bosebeletsì.

KAROLO #2:

- III. Boikokobetso (Boithuto ba bophelo ba Moshe).

KAROLO #3:

- IV. Boetapele (Boithuto ba bophelo ba Nehemia).

KAROLO #4:

- IV. Boetapele (Nts'etso-pele).
Appendix ea Boetapele, libopeho tse bonoang ho Nehemia.
- V. Sebopeho sa Boitelo (Bophelo ba Francis oa Assisi).

KAROLO #5:

- VI. Boits'oaro le boikoetliso ba semoea (Bophelo ba John Wesley).
Tlhahlobo.

SEBOPEHO SA BOKRESTE

Notes

Tlhahlobo

Lipotso tse ka lebelloang, Limaraka li 20

- 1) Hlalosa phapano ea ho ba mosebeletsi/mohlanka le **ho sebeletsa feela** (maq. 6-8).
- 2) Hlalosa lintlha tse peli tsa bohlokoa tsa boleng ba boikokobetso (maq. 11-13).
- 3) Hlalosa boikokobetso mabapi le kamoo Moshe a neng a ikhalala ka teng (maq. 18-19).
- 4) Hlalosa litsela tse tharo tseo Nehemia, joaloka moetapele, a ileng a susumetsa sechaba sa habo ka tsona (maq. 29-31).
- 5) Hlalosa kamoo Nehemia, joaloka moetapele oa secheba sa habo, a ileng a arabela le ho sebitsana le Bahanyetsi ka teng (maq. 31, 32).
- 6) Hlalosa kamoo bolokolohi le thabo e bileng litholoana tsa bophelo ba boitelo ba Francis oa Assisi ka teng (maq. 36,37).

Lipotso tse ka lebelloang, Limaraka li 10

- 1) Fana ka tlhaloso e khuts'oane ea moetlo oa "ho hlatsoa maoto" (leq. 4).
- 2) Bonts'a kamoo **khanyetso** ea ho etsa mefuta e "eisehang" ea bosebeletsi e leng ho iphetola molingoana ka teng (maq. 5-6).
- 3) Boikokobetso ba bohata ke eng (maq. 10, 11)?
- 4) Thapelo le boikokobetso li hokahana joang (leq. 13)?
- 5) Ka bokhuts'oane, hlalosa histori ea buka ea Nehemia (leq. 22).
- 6) Bonts'a kamoo Nehemia a neng a na le ts'epo ho Molimo ka teng (leq. 23).
- 7) Hlalosa kamoo Nehemia a ileng a qoba bothata ba ho hloka tekano pakeng tsa matla/taolo le boikarabello ka teng (leq. 28).
- 8) Hlalosa ketso le mokhoa oa Nehemia oa ho fa ba bang morolo (leq. 29).
- 9) Bonts'a tsela e le ngoe eo Nehemia a neng a etellapele ka boitelo le ka ho ints'a sehlabelo (leq. 33).
- 10) Bolela e ngoe ea libopeho tsa Nehemia (sheba appendix), fana ka ts'ehetso ea lengolo (leq. 35).
- 11) Hlalosa taba ea **boitelo** (leq. 36).
- 12) Fana ka tlhaloso e khuts'oane pakeng tsa boits'oaro le tloaelo (leq. 39).

SEBOPEHO SA BOKRESTE

I. Selelekela.

Notes

—

A. Sebopeho: Bonnete ba Seo o Leng Sona le Seo o se Etsang.

1. Sebopeho ke lentsoe le tebileng ho feta mantsoe a kang “semelo” le “ponahalo”. Sebopeho ke seo o leng sona. Ke bonnete ba ho patchileng ho kamor’a tsela eo o bonahalang ka eona. Ke bonnete ba ho kapele ho semelo sa hau.
2. Ho thoe:

Mohopolo oa hau, ke seo o neng o ka lakatsa ho ba sona.
Botumo ba hau ke seo batho ba reng o sona.
Sebopeho ke seo o leng sona ka botlalo.
3. Sebopeho sa rona se hlahisa tsela eo bophelo ba rona bo tla e latela.
Ho thoe:

Ha re jetse mohopolo, re kotula ketso.
Haeba re jala ketso, re kotula tloaelo.
Ha re jala tloaelo, re kotula sebopeho.
Ha re jala sebopeho, re kotula sebaka sa boiphihlelo.

B. Lintlha tsa Thuto Ena.

1. Thuto ena, e fana ka boithuto ba tse ling tsa likarolo tsa bohlokoa tsa Sebopeho sa Bokreste. Ka boithuto bona, re tla khona ho bona hantle seo Mokreste a leng sona, le seo a se etsang.
2. Re tla ithuta ka Libopeho tse latelang:
 - a. Bosebeleletsi/ho sebeletsa (re tla sheba Jesu le barutuo ba hae).
 - b. Boikokobetso (re tlo ithuta ka Moshe).
 - c. Boetapele (re tlo ithuta ka Nehemia).
 - d. Boitelo (re ithuta ka bophelo ba Francis oa Assisi).
 - e. Boits’oaro (re tlo ithuta ka bophelo ba John Wesley).

SEBOPEHO SA BOKRESTE

Notes

II. Bosebeletsi/ho sebeletsa.

A. Jesu o ile a beha mohlala oa Bosebeletsi ha a ne a hlatsoa maoto a Barutuo ba Hae ho Johanne 13.

1. Histori ea Johanne 13: ho hlatsua ha maoto, e ne e le ntho e tloaelehileng Bochabela bo Hare, ho isa khale-khale nakong ea bo-Abrahama (Gen 18:4; 19:2).
 - a. Ho omella ha karolo eo ea lefats'e, ho ne ho etsa hore litsela li be le lerole le lengata haholo. Batho ba ne ba roala meqathatso ha ba ne ba nka maoto. Kahoo, ho hlatsua ha maoto e ne e le besebeletsi bo tloaelehileng.
 - b. Hape, moetlong oa Seheberu, tlhatsuo ea maoto e ne e le mosebetsi o tlaase-tlaase haholo, o eishang ka ho fetisisa.
 - 1) Baheberu ba ne ba sa lumelle, ekasitana le basebetsi ba bona ho etsa mosebetsi oo. Mosebetsi oo, o ne o etsoa ke makhoba a eishang haholo-holo a balichaba.
 - 2) Phapang e nyane e ne e le ha morutuo a hlatsoa maoto a tichere/moruti oa hae e le sesupo sa boikokobetso le tlhompho ho eena.
2. Jesu o ile a behela Bakreste mohlala o fe oa Bosebeletsi?
 - a. Ho Johanne 13, Jesu, eo e neng e le tichere/moruti, o ile a hlatsoa maoto a barutuo ba hae. Molaetsa o hlakile haholo.
 - 1) Le nts'ebeletsa ka baka la boemo ba ka ke le Moetapele (tem.13).
 - 2) Le ha ho le joalo, 'na kea le sebeletsa (tem. 14a).
 - 3) Kahoo, le lokela bonyane le sebeletsane (lit. 14b, 15).
 - a) Re lokela ho thahasella ho sebeletsa ba bang hobane E Moholo ho rona, o ne a na le thahasello ea ho etsa bophelo bohle ba Hae, Bosebeletsi bakeng sa rona.

SEBOPEHO SA BOKRESTE

b) Ka kotloloho, ha re ipapisa le Jesu, ‘me re elelloa boemo ba rona malebana le Eena, re ke ke ra re re na le litokelo tse itseng kahoo re ke ke ra etsa mefuta e itseng ea bosebeletsi.

(1) Ha re hana ho sebeletsa hobane mosebetsi oo o bonahala o le “tlaase” haholo, re ipeha boemong bo ka holimo ho Jesu, ea ileng a etsa mosebetsi o tlaase ka ho fetisisa nako ea Hae. re iketsa melingoana ha re etsa joalo.

(2) Ka ho etsa mesebetsi e eisehang ka ho fetisisa, Jesu o ne a beha mohlala o supang hore, re lokela ho etsa mesebetsi e fokolang ka ho fetisa hoo boikhothomoso ba rona bo tla sitoa ho re thibela ho thusa mang kapa mang, ho sa tsotellehe kamoo ts’ebetso e bonahalang e eiseha ka teng.

Notes

—

Mohlala oa Sengoli:

Balisa le baruti, ha ba lokele ho re-bona ba ke ke ba etsa mesebetsi e tlaase kerekeng hobane ba fumane koetliso ea Bible.

Ka tsela e ts’oanang, Basebetsi ba Bakreste ba koetliselitsoeng Ofisi, ha ba lokele hore ba re ba ke ke ba hlatsoa matloana hobane feela ba bona e le mosebetsi o eisehang ka ho fetisa.

Beha mohlala oa hau

SEBOPEHO SA BOKRESTE

Notes

Ntlha ea Puisano

Sebelisa sets'oants'o sena ho bua le ho amahanya ntlha ena le bophelo.

'NA	Boemo "1"	Boemo ba ts'ebetso boo ke bo nkang bo le tlaase bakeng sa ka, ke ka holimo
Molingoana		
JESU	boemo "0"	Mohlala o Jesu a ileng a u beha ha a ne a etsa mosebetsi o tlaase ka ho fetisisa nakong ea hae

Hopola hore haeba mosebetsi o itseng o le tlaase ho 'na, ke beha Jesu ka tlaase ho 'na, hobane ka ho etsa joalo, ke bolela hore nke ke ka etsa seo a se entseng. Hona ho etsa hore ke ipehe kaholimo ho Eena. Hona ke ho iketsa molingoana.

B. Hona le Phapano pakeng tsa Mosebeletsi/Mohlanka le Motho ea sebeletsang feela empa e se mosebeletsi.

1. Bosebeletsi ba 'Nete le Lerato la 'Nete.

- a. Kamor'a hore Jesu a fane ka molaetsa o hlakileng ho barutuo ba Hae mabapi le bosebeletsi, o ile a ba bolella hore o tla ba romela lefats'eng. (Johan 13:16).
 - 1) Re rometsoe ho ba barutuo ba Jesu. Re lokela ho ba le moea oo a neng a na le oona oa bosebeletsi, 'me re amohele tsela e lumellanang le ea Hae.
 - 2) Re lokela ho hopola hore Jesu ha a fana ka tsela ea bosebeletsi feela, Eena ka sebele sa Hae e bile Mosebeletsi.
 - 3) Kahoo, ha rea lokela ho etsa liketso tsa bosebeletsi feela, re lokela ho ba basebeletsi ka sebele.
- b. Rea elelloa hore bosebeletsi ba 'nete bo tsoaloe ke Lerato la 'nete.
 - 1) Motho ea iketsang mesebetsi feela, o ntsa ka etsa sohle ka merero e mebe e patehileng. Empa Mosebeletsi eena, kamehla o sebeletsa ka mehopolo e hloekileng.
 - 2) Thutong ea MOTMOT ea Lenyalo, ho bapisoa mefuta e 'meli ea lerato.

SEBOPEHO SA BOKRESTE

- a) “Lerato la lefats’e” le bitsoa lerato la “50/50”. Hona ho bolela hore molekane ka mong o fana ka halofo feela ea boleng ba hae, hape o fana ka 50% feela lenyalong la bona. Molekane ka mong o fana ka tebello ea hore, e mong le eena o tla fana ka karolo e lekanang.
- b) “Agape” ke lerato le se nang meeli, le se nang lipehelo kapa lerato la “100/100”. Hona ho bolela hore molekane o fana ka bo-eena bohle, o fana ka 100% lenyalong la bona. Molekane ka mong o batla ho thusa e mong ka botlalo ho se na letho leo a lebeleletseng ho khutleloa ke lona, ekasitana le ha ho fanoang ho ja molemo oa hae kapa ho le turu.
- c) Ka tsela e ts’oanang, hona le besebeletsi ba “50/50” le besebeletsi ba “100/ 100”.
- (1) Besebeletsi ba “50/50” ke besebeletsi bo ichelang bona feela, ebile ke ba boikaketsi.
 - (2) Besebeletsi ba “100/100” ke besebeletsi ba boitelo, ba ‘nete, bo se nang lipehelo kapa meeli.

Notes

Ntlha ea Puisano

Sebelisa sets’oants’o se latelang ho akofisa puisano ka ntlha e sa tsoa ts’ohloa:

MOFUTA OA BOSEBELETSI	SEO O SE BOLELANG	MAIKUTLO
bosebeletsi ba pehelo, bonang le moeli 50 ____ __ 50% e fanoang	ke tla sebeletsa ha feela o sebeletsa. Ke tla etsa bonyane halofo, (ke tla sebeletsa feela haeba ke boelloa ke ho hong.).	<i>Mofuteng oona, ha ho besebeletsi ba ‘nete, mahlo a hau a tsepame ho motho e mong. U tla sebeletsa ha fela o ile oa sebeletsoa. Le motho eo e mong o u emetse hore o mosebeletse.</i>
bosebeletsi bo se nang moeli 100 _____ 100% e fanoang	ke tla sebeletsa ke sa shebe hore na uena o etsang. Haeba ho hlokahala, ke tla etsa hohle ho lokelang ho etsoa.	<i>Mofuteng oona, besebeletsi ke ba ‘nete, ho na le bolokolohi ebile bo lula bo ts’oana kamehla, ha bo shebe maemo. Mahlo a hau a tsepame maikarabellong a hau. Besebeletsi ba hau ha bo a its’etleha ka hore na motho e mong o etsang.</i>

- c. Ho ba mosebeletsi, u lokela ho lebala litakatso tsa hau, o ikhopolele tsa ba bang feela.
- 1) U lokela ho boetse o hopole maikarabello a hau, o lebale maikarabello a ba bang.
 - 2) Ka mantsoe a mang, u lokela ho shoa bo-uena, o phele ho Molimo le ho ba bang.

SEBOPEHO SA BOKRESTE

Notes

2. Ho khetha ho sebeletsa kapa ho khetha ho ba mosebeleletsi.

- a. Ha re khetha ho sebeletsa, hangata re laola bao re ka ba sebeletsang, nako, lebaka, sebaka le mokhoa oo re tla sebeletsa ka oona. Hona ho haeletsa besebeleletsi ba rona, 'me ho etsa hore ho be bonolo ho ikutloa e ka re qhekeletsoe kapa ho sebelisoa hampe.
- b. Ha re khetha ho ba basebeleletsi, re lahla "tokelo" ea ho laola eng kapa eng. Ha ho meeli besebeleletsing ba rona ho Krete, 'me re ke ke ra ikutloa ka tsela e fe kapa e fe e ka re qhekeletsoe kapa re sebelisitsoe hampe, hobane re se re nehelane ka litokelo tsa rona (kahoo, ha ho litokelo tse setseng ho qhekelloa kapa ho tloloa).
 - 1) Sebopeho sa ho ba mosebeleletsi, se tsoaloa ke maikutlo a matle, 'me besebeleletsi mona ha bo be le meeli. Jesu Krete o sebeletsoa ho sa shejoe maemo.
 - 2) Paulosi o itlhalosa e le lekhoba la Krete (Bar 1:1; Baf 1:1; etc.). Jesu o re e moholo e tla ba mohlanka (Math 20:27).
 - a) Mofuta oona oa mosebeleletsi, o nehelana le ho tlohela litokelo tsohle tsa hae joalokaha mohlanka, kapa lekhoba le etsa.
 - b) Ho tela litokelo le ho ts'oarella litokelong, ke phapano e bonoang pakeng tsa ea sebeletsang le eo ehlileng e leng mosebeleletsi ka sebele.

Ntlha ea Puisano

Sebelisa Baf 2:6, 7 ho akofisa puisano ea ntlha ena.

- c. Jesu o ile a sebelisa papiso ea mosebeleletsi, ea ileng a fihla tlung ho tsoa masimong ho tla tsoelapele ka ts'ebetso ntlong, e le mohlala oa lintlha tsena (bala Luk 17:7-10).
 - 1) Papisong eo, mohlanka eo ha a na litokelo. Ha a fumane molemo kapa thoriso ha a etsa mosebetsi oa hae, hobane o etsa seo a lebeletsoeng ho se etsa. Jesu o re re lokela ho ba le sebopeho se ts'oanang.

SEBOPEHO SA BOKRESTE

Ntlha ea Puisano

Sebelisa sets'oants'o sena ho bua haholonyoane ka ntlha e ka holimo:

Notes —

Sebopeho sa lefats'e sa Bosebeletsi			Sebopeho sa 'Muso oa Molimo sa Bosebeletsi		
ho khents'aba bang	ho se sebeletse/ ho se sebeletsa		ho se sebeletse	Ho sebeletsa	mohau oa Molimo
	ho se khents'e		ho se khents'e		
Bobe	Mahareng	Botle	Bobe	boemo Mahareng	botle
Boemo	Boemo	Boemo	Boemo	(ha ho moputso/	Boemo
(kotlo)	(ha ho kotlo)	(Moputso)	(kotlo)	ha ho kotlo)	(Moputso)

- 2) Lefats'e le ruta hore ho se sebeletse ke boemo bo lipakeng. 'Musong oa Molimo, ho fokola ha besebeletsi ho tliša kotlo (sebe sa ho se tsotelle). Ho feta mona, 'Musong oa Molimo, ho sebeletsa ho lokela ho ba lipakeng/mahareng. Ke mosebetsi o lokelang ho etsoa. Ha ho moputso. Moputso ke sehlahisoa sa mohau oa Molimo.

Ntlha ea Puisano

Sebelisa sets'oants'o sena ho atolosa lintlha tsa rona mabapi le phapano ea ba khethang ho sebeletsa le ho ba basebeletsi.

EA SEBELETSANG	MOSEBELETSI
Ke etsetsa mang—Ho ea ka boemo	Ke etsetsa mang — (mang kapa mang eo Molimo a ntaelang)
Ke etsang — Ho ea ka boemo	Ke etsang — (eng kapa eng eo Molimo a e laelang)
Hokae — Ho ea ka boemo	Ho kae — (Hohle moo Molimo a ntaelang)
Hobaneng — Ho ea ka boemo	Hobaneng — (hobane Molimo a ntaela)
Neng — Ho ea ka boemo	Neng — (neng le neng ha Molimo a ntaela)
Ke etsa joang — Ho ea ka boemo	Joang — (ka tsela e fe kapa e fe eo Molimo a e batlang)
Ha maemo ana a ka fosa, besebeletsi boa emisa.	Mona ha ho maemo a shebiloeng a ka fosoang, 'me ha ho nako eo besebeletsi bo tla emisa.
Ea sebeletsang o etsa liketso tsa nakoana. Hona ho amana haholo le seo a se etsang. Seo o se etsang se felloa ke nako.	Mosebetsi o etsa mosebetsi hobane e le mosebetsi. Hona ke Seo a leng sona. Seo o leng sona, ha se ntho e nang le pheletso.

SEBOPEHO SA BOKRESTE

Notes

III. Boikokobetso.

A. Selelekela.

1. Thuto ea pele ea Jesu ho lets'oele (e bitsoang Thuto ea Thabeng) e bua ka limelo tse ngata tsa bohlokoa, tsa batho bao e leng karolo ea 'Muso. Ha se ka ts'ohanyetso hore e be ntlha ea pele e buoa ka boikokobetso (Math. 5:3).
 - a. Ka litsela tse ngata, bokhoni ba ho etsa lintho tse ling tsohle tse thutong ea thabeng, bo ipapisitse le hore na boikokobetso bo fihletsoe.
 - b. Boikokobetso ke sebopeho sa Bokereste se bulelang libopeho tsohle tsa Bokreste monyako. Ke sebopeho sa theo se ha hang sebopeho sa ho loka, se bonts'ang bophelo ba Molimo ho motho.
2. Bakeng sa ho ithuta ka boikokobetso, re tla tsepamisa mahlo haholo bophelong le sebopehong sa Moshe. Bible e re e ne e le moikokobetsi ea fetang bohle lefats'eng (Num 12:3). Kahoo, ho ithuta ka bophelo ba hae, ho re fa leseli le tla re thusa ho utloisisa "boikokobetso."
3. Lintlha tse tharo tsa boikokobetso:
 - a. Popeho/boleng ba boikokobetso.
 - b. Tsela e isang boikokobetsong.
 - c. "mats'oao" a boikokobetso.

B. Boleng ba boikokobetso.

1. Ha re shebeng pele seo boikokobetso bo seng sona (boikokobetso ba bohata).
 - a. Ha motho a ka se shebisise Num 12:3 hantle, a ka nahana hore hona ho feteletsa **katamelo** ea Moshe botumong le bohlokoeng ba hae.
 - 1) Bangoli ba bang ba hlalosa boikokobetso ba Moshe e le mokhoa oo a neng a atamela ba bang ka oona bakeng sa ho its'ereletsa hore a se ikhohomose.
 - 2) Ba hlalosa boikokobetso ba hae e le katamelo ho batho e seng ho Molimo. Ba re ke seo a neng a leka ho iphumanela sona.

SEBOPEHO SA BOKRESTE

- b. Boikokobetso kapele ho batho feela, ke boikokobetso ba bohata 'me hoo ha se bona bo bonoang bophelong ba Moshe.
- 1) Bala Bak 2:18-23.
 - 2) Boikokobetso ba bohata bo fapane ho hang le se boleloang e leng se "hola kamoo Molimo a ratang ka teng (tem. 19b)." Boikokobetso ba bohata ha bo na "thuso haese ho chacheisa litakatso tsa botho" (tem.23b)."
2. Ha re shebeng boleng ba boikokobetso ba 'nete.
- a. Boikokobetso bo na le lintlha tse tharo tsa bohlokoa.
 - 1) Boikokobetso ha bo lelekise botumo pel'a batho, empa bo batla Molimo.
 - a) Tsela e ngoe ea ho beha taba ena ke hore, boikokobetso ha bo loanele ho etellapele, bo thahasella ho etelloapele ke Molimo.
 - b) Moshe o ne a tletse ka kutlo ho Molimo; ke hore o ne a etsa tsohle tseo Molimo a mbolellang ho li etsa. E ne e le bophelo bo eteletsoeng-pele.
 - (1) Re elelloa le hore Moshe o ile a etelloapele le ho ea lefung la hae (Deotr 32:48-52).
 - (2) Bala Deotr 34 ho bona kamoo Moshe a ileng a latela tataiso le litaelo tsena ka teng.
 - 2) Boikokobetso bo supisa motho hole le bo-eena, ekasitana le kahar'a botumo.
 - a) Hangata re rata ho icheba bo-rona ha re bua ka litlholo le mapaki a rona, empa boikokobetso bo supa ho Molimo.
 - b) Moshe, joaloka banna ba bang ba baikokobetsi, o ile a sheba le ho supa ho Molimo nakong ea botumo le bophahamo ba hae.
 - (1) Lemoha lipolelo tsa Josefa ho Gen 41:16 le lipolelo tsa Daniel ho Dan 2:27-30.
 - (2) Moshe o ile a qoba teko ea ho iphafa le ho ithorisa ka katleho eo a neng a e fihletse. Lemoha kamoo Moshe a tsepamisitseng maikutlo ho Molimo ka teng ho Eks 18:8, Moshe o ne a bua ka Molimo feela ha a ne a bolella Jethero ka tsela eo Molimo a ba nts'itseng ka eona Egepetsa.

Notes

—

SEBOPEHO SA BOKRESTE

Notes

- c) Ntlha ena e boetse e kenyeletsa hore boikokobetso ha bo nke monyetla oa boikhabo le boiphahamiso, haeba monyetla o joalo o hlalisoa ke katleho.
 - (1) Mohlala; ka baka la katleho, Moshe o ne a na le monyetla oa ho itumisa, ho iphahamisa le ho tsejoa a le matla ka ho fetisisa. **Empa**, eena o ne a tsotella boleng ba Molimo le botumo ba Molimo kahar'a "lichaba tse utloileng ka botumo ba Hau" (bala Num 14:12-17).
 - (2) Hape, lemoha kamoo Daniele a sa kang a ikhapela menyetla ka baka la botumo ba hae (Dan 5:17).
 - d) Boleng bo nepahetseng ba boikokobetso bo etsa hore batho ba batle ho phahamisa botumo ba Molimo, tlotla ea Hae, tlhompho ea Hae, bophahamo ba Hae, le khanya ea Hae, ho ena le ho shebana le litakatso tsa botho.
- 3) Boikokobetso ba 'nete bo etsa hore motho a se ka tsotella bohlokoa ba hae hakaalo.
- a) Joaloka Johanne Mokolobetsi (Johanne 1:21) le Paulosi (1 Tim 1:15), Moshe o ne a sa tsotelle boemo ba hae. Lemoha kamoo Moshe a neng a sa elelloe hore sefahleho sa hae se khanya ka teng ha a ne a tsoa kopana le Molimo ho Eks 34:29.
 - b) Re lokela ho hlakisisa hore boikokobetso ha se ho fokolloa ke sebete kapa ho ba lekoala. Boikokobetso bo isa "boleng bo phahameng, sebeteng le ts'epong e tiileng ho Molimo" ho ena le "boits'epo ba botho."
 - (1) Sebete sa mofuta oona se hlalisoa ke ho ts'epa le ho its'etleha ka Molimo ka botlalo. ke sebete se tlišoang ke kutlo ho Molimo, le kutloisiso ea seo Molimo a leng sona.
 - (2) Hopola hore joaloka bokoala, boikokobetso ba bohata ke sesupo sa boikhohomoso. Ka nako e ngoe bo shebahala joalo ka boikokobetso, empa ke boikhohomoso hobane bo shebana le botho. Boikhalalo/bokoala bo re "Nke ke ka khona", hangata ke tholoana ea boikhohomoso, maikutlo a tsepame ho botho ho ena le ho tsepama ho Molimo.

SEBOPEHO SA BOKRESTE

Notes

- (a) Taba e ngoe ke hore, ekasitana le motho eo e neng e le moikokobetsi ka ho fetisisa lefats'eng, o ile a lokela ho sebetsana le boikokobetso bona ba bohata. Boikhalalo ba Moshe, bo ile ba bonts'a boikhohomoso ka hore, bo ne bo tsepamisitse mahlo haholo bokhoning ba hae ho ena le bokhoning ba Molimo.
- (b) Bala Eks 4:10-14 o nto lemoha hore “khalefo ea Morena e ile ea tlokela Moshe” ka baka lena.
- b. Boikokobetso ba 'nete bo kenyeletsa tumelo le thapelo.
- 1) Tumelo.
- a) Moshe e ne e le monna oa tumelo hobane o ne a utloisisa ho hloka matla ha hae le ho fokola ha hae kantle ho Molimo.
- b) Tumelo e qala ka ho ananela 'nete e fumanoang ho Johanne 15:5. Boikokobetso ke bona bo tla u thusa ho amohela 'nete ena.
- c) Kahoo, tumelo le boikokobetso li hokahane 'moho.
- (1) Boikhohomoso bona bo hanyetsa le ho nena tumelo. Ha re shoa ho **itumeleng** ha rona (boikhohomosong), re fetola hoo ka ho lumela ho Molimo, joale re qalella ho “tsamaea ka boikokobetso le Molimo oa hau”(Mikiea 6:8).
- (2) Ho ba motho e moholo tumelong, u lokela pele o be moikokobetsi. Moshe e ne e le monna ea matla tumelong hobane e ne e le monna ea matla boikokobetsong.
- 2) Thapelo.
- a) Ho rapela ke ho ikokobetsa pel'a Molimo. Ho hotle ho re ho Molimo, “Ha ke na khona, empa uena u na le bokhoni.” Thapelo e etsa hore o itele e be u ts'epa Molimo a 'nots'i.
- b) Kahoo, ha ho makatse ho elelloa hore monna ea neng a ikokobetsa ho feta batho bohle lefats'eng, e ne e boetse e le morapeli ea matla. Moshe o ne a bua le Molimo a bonts'a hore ntle le Molimo, eena ha a na letho, ha ho moo a ka eang teng, 'me o ne a ikokobetsa haholo.

SEBOPEHO SA BOKRESTE

Notes

C. Khaeho ea Boikokobetso Bophelong ba Moshe.

1. Maemo le liketsahalo tse otlolohileng.

a. Lilemo tse 40 palehong.

1) Khaeho ea mathomo ea boikokobetso ba Moshe, e qalile ka boemo bo ileng ba bonts'a boikhohomoso ba hae.

a) Ho Eks 2:11-14, re bona monna ea ileng a matha ka pele ho Molimo a inkela molao matsohong. Ho fokola ha boikokobetso ba Moshe ho ile ha etsa hore a leke ho lopolla Israele ka ho bolaea Mo-Mediane ea neng tsamaisa makhoba a Baheberu. Ka ho etsa joalo, o ile a tlolisa nako le boholo ba Molimo mahlo.

b) Molimo o ile a sebelisa boemo bona ho susumetsa Moshe ho kena maemong a na tla moruta boikokobetso.

2) Ka lilemo tse 40 tse latelang, Moshe monna ea matla oa Egepeta, o ile a fetoha molisana ea bonolo oa mehlape ea Jethero lehoatateng. Ha ho belatse hore Molimo o ile a sebelisa lilemo tseo ho ruta Moshe ho ikokobetsa.

b. Pitso ea Molimo bophelong ba Moshe.

1) Ho Eksoda 3 le 4, ha Molimo a ne a bitsa moshe, re bona tholoana ea lilemo tse 40 ea koetliso ea boikokobetso. Mahlong a hae, Moshe o ne a se a sa inke e le mor'a lapeng la Faro, o ne a se a sa ipone e ka a ka khona ho lopolla Baisraele ka bo-eena, o ile a fetoha monna ea ipotsang hona, "A 'na ke mang", ha Molimo a ne a moroma ho ea lopolla sechaba sa Israele (Eks3:10,11).

a) Moshe o ile a bona ho fokola ha hae.

b) Sheba le ba bang ba ileng ba amohela lipitso tsa bona (Jer 1:6; 1 Sam 9:21; Baahl 6:15). Moshe o ile a utloa le ho utloisisa sekheo se pakeng tsa bokhoni ba hae le thomo e kholo eo a neng a e fuoa.

SEBOPEHO SA BOKRESTE

Notes —

2) Re lokela ho ikhopotsa hore, nakong ena, boikokobetso ba Moshe bo ne bo ntse bo lokela ho ntlafala le ho hola (boela o shebe maikutlo a fanoeng malebana le boikhalalo).

a) Ha ho a lekana hore boikokobetso bo re, “Ha ke na khona.” Boikokobetso bo lokela ho qetella polelo eo ka hore, “Molimo Eena oa khona.”

b) Moshe o ne a so kokobele ho lekana hoo a khonang ho sheba thoko le ho fokola ha hae, le ho se khone ha hae, e be o sheba matla le bokhoni ba Molimo. Kahoo, khalefo ea Molimo e ile ea tlokela Moshe (Eks 4:14).

TLHOKOMELISO: boikokobetso ba Moshe bo ile ba hola, ba ntlafala. O ile a ithuta ho sheba bokhoning ba Molimo. Kahoo, Molimo o ile a moshalima ka khauho le lerato (bala Eks 33:12-17).

c. Thuto ea Boikokobetso bakeng sa Moshe ha a le Refidime.

1) Kholo ea boikokobetso ba Moshe e ne e le ntho e hloka halang ka nako eo. Kamor’a liketsahalo tse kholo tse amanang le mehlolo e etsahetseng Egepeti, le ho ts’eloa ha Leoatle le Lefubelu, Moshe **o ne a ka ‘na a oela tekong** ea boikhohomoso le boits’epo.

2) Taba ke hore, Molimo o ile a tlisa Moshe boemong bo ileng ba etsahala Refidime (Eks. 17:1) boo ileng ba tlama Moshe ho hopola bofokoli ba hae.

a) ‘Nete ke hore, bohareng ba khalefo ea sechaba, moo Moshe a batlileng a tlepetsoa ka majoe (Eks 17:4), Moshe o ile a hopola hore ha a na sohle, ke ho Molimo feela moo a ka eang. O ne a hola boikokobetsong ha ntse a tsoelapele ho bona kamoo a hloka Molimo ka teng.

b) F.B. Meyer o re, “ha re se re fihletse qetello ea bo-rona, ke moo re qalang le Molimo.”¹

2. Mekhoa e akaretsang ea boikokobetso.

a. Israele eohle e ile ea feta ketsahalang ea ho kokobetsoa. Moshe le eena ka tsela e ts’oana.

1) Molimo o ile a kokobetsa Israele (Deotr 8:3), hape o ile a ba leka (Deotr 8:16).

SEBOPEHO SA BOKRESTE

Notes

2) Ka kakaretso, taba ea ho potoloha le lehoatata, le ho hloka boithuso ha Israele, li ne li lokela ho hlahisa boikokobetso lipelong tsa Baisraele.

a) Batho ba ileng ba potoloha lehoatateng, ba ne ba tseba mats'oenyeho haholo.

b) Baithuti ba bangata ba Bibe le ba hlalosa lentsoe la Seheberu la “ho ikokobetsa” ho Numere 12:3 le supa mats'oenyeho. Taba ke hore mats'oenyeho a hlahisa boikokobetso.

b. Ha re bala pale ea moshe ea lilemo tse 40, re tla elelloa hore hanyane-ka-hanyane o ile a qala ho se tsotelle lithato tsa hae le litakatso tsa hae. O ile a qala hore a tsotelle thato ea Molimo le ho sebeletsa sechaba sa Israele. Ketsahalo e ts'oanang ea ho lahlehela ke thahasello ho bo-eena (Moshe), le ho lithahasello tsa hae, ke ketsahalo e ts'oanang le eo a fetileng ho eona bakeng sa ho hola boikokobetsong.

D. Mats'oao a Boikokobetso.

1. Selelekela.

a. Karolong ena re tla shebana le tse ling tsa limelo le liketso tse supang boikokobetso.

b. Karolo ena e bonts'a Lintlha tse tharo tsa mantlha tsa Boikokobetso.

1) Moshe ha a ka ba icheba bo-eena.

2) Moshe o ile a sheba ba bang.

3) Moshe o ile a hlompha ba bang.

2. Moshe ha a ka icheba bo-eena.

a. Ho fokola ha boikokobetso, ho etsa hore motho a ikhohomose, a ikakase.

1) Batho ba ikakasa ka seo ba leng sona, le seo ba se entseng.

2) Hape batho ba itlatlarietsa ka seo ba seng sona le seo ba song ho se etse (chalimo e fosahetseng ea seo ba leng sona).

SEBOPEHO SA BOKRESTE

- 3) Moshe o ne a sa oele tekong ena. Boikokobetso ba hae bo ile ba mothibela ho ikhapela khanya ea Molimo ho iketsetsa ea hae.
 - a) Mohlala, kamor'a ho ts'ela Leoatle le Lefubelu, Moshe o ile a bina pina e monate haholo ea tlhoho. Re ka ipotsa potso ena: Lebitso la Moshe le kae pineng ee? Karabelo ke hore, ha le eo ho hang (bala Eks 15).
 - (1) Lebitso 'Molimo' le hlaha makhetho a 46 pineng ena ea Moshe. Lebitso la Moshe ha le hlahe ho hang
 - (2) Moshe o ne a na le chalimo e nepahetseng ea bo-eena, chalimo ea boikokobetso. O ile a ithuta hore motho ke sesebelisoa kahar'a seatla sa Molimo. Sesebelisoa seo se sebetsa feela ho ea kamoo Molimo a se lumellang le ho se thusa. Ntlha ena e boetse e bonoa haholo ho 1Bakr 4:7.
 - b) Nakong eo ho neng ho le bonolo ho icheba bo-eena, Moshe o ile a sheba thoko le eena, a sheba ho Molimo.
- b. Ho fokola ha boikokobetso ho etsa hore motho a ikhapele khanya.
 - 1) Ho Eks 34:34, 35, Moshe a ka ba ntsa ile a bonts'a sefahleho sa hae se neng se tletse khanya, nakong eo a neng a tsoa boteng ba Molimo. Empa, o ile a koahela sefahleho sa hae ha a ne a batla ho bua le batho ba bang.
 - a) Boikokobetso bo ile ba etsa hore a se ka ba ikhapela khanya.
 - b) Boikokobetso bo ile ba etsa hore a atamele ba bang ka kelo-tlhoko.
 - 2) Hape, re bona hore Moshe o ile a talima thoko le bo-eena.
- c. Ha boikokobetso bo fokola, motho o nka monyetla o fe le o fe o ka motobang ho iphumanela molemo oo e leng oa hae.
 - 1) Moshe o ne a na le menyetla e mengata ea ho inkela botumo, ts'usumetso le boiphahamiso. Mohlomong a ka ba ile a leka ho laola le ho tsamaisa naha eohle ea Egepete (bala Eks 11:3).
 - 2) Ho fokola ha boikokobetso ho ka bo ho ile ha etsa hore a batle ho inkela le ho ikhapela menyetla maemong oohle. Leha ho le joalo, Moshe, o ile a utloa Molimo, 'me a phetha litaelo tsa Hae, 'me ha a ka oela molekong oo.

Notes

—

SEBOPEHO SA BOKRESTE

Notes

d. Ho fokola ha boikokobetso ho etsa motho ea koatang kapele.

1) Moshe o phetse kahar'a lerata, lipelaelo, liqoso le ho ingama-ngama ho o holo. Ha a ka ba tlolisa tseo tsohle mahlo holimo, empa boikokobetso ba hae bo ile ba etsa hore a se koate le ho soaba. Ha a ka ba a batla ho iphetetsa ho ba moqosang.

a) Sheba Eks 14:11-13; 16:2-8; le Num 12:1-5.

b) Moshe, joaloka Krete, o ile a siela Molimo sebaka. O ile a hlapaoloa, empa a hlhohonolofatsa ba mohlapaolang. (bala 1 Bakr 4:12).

2) Baikokobetsi ha ba ahlole batho ba bang. Ba lumela hore Molimo o na le bokhoni ba ho etsa kahlolo e nepahetseng.

a) Kahoo, boikokobetso bo amana ka matla le taba ea "botsitso" le khotso. Boikokobetso bo etsa hore motho a fe Molimo tsohle (ho kenyeletsa le bohloko ba pelo).

b) Mohlomong ka khopolo eo kelellong, re ka utloisisa ka botebo khokahano e pakeng tsa boikokobetso le "lahlelang lipelaelo tsohle tsa lona ho Oona (1 Petr 5:5-7)."

3. Moshe o ile a sheba ho ba bang, e seng ho eena.

a. Ho fokola ha boikokobetso, ho etsa motho ea ratang ho fumana khanya le tlhomphe, a sa tsotelle ba bang.

1) Ho Eks. 32:10-12, Moshe o ile a buella sechaba sa Israele ho Molimo, ho ena le ho ikhapela khanya bakeng sa hae. Moshe o ile a tsotella **khotsofalo** ea ba bang e seng ea hae.

2) Hape sheba boemo bo ts'oanang ho Num 14:12-19.

b. Ho fokola ha boikokobetso ho etsa motho ea batlang ho ba le tlhohonolofatso eohle. Motho ea joalo ha rate ho arolelana le ba bang.

1) Bala Num 11:29 le Num 12:1,2.

a) Boikokobetso bo hlahisa takatso e matla ea ho arolelana tlhohonolofatso le ba bang. Boikokobetso ke bona bo etsang hore motho a thabele ho bona batho ba bang ba atleha.

SEBOPEHO SA BOKRESTE

Ntlha ea Puisano

Boela o shebe ntlha e fetileng o ipapisitse le Baf 2:3, 4.

- b) Boikhohomoso bo tsoala thahasello ea ho bona motho e mong a hloloa. E etsa motho ea mona, ea hlabehang ha a bona ba bang ba na le bokhoni le litalenta.

Ntlha ea Puisano

Hlalosa kamoo ntlha e fetileng e amanang le Bar 12:3-6.

- c. Ho fokolloa ke boikokobetso ho etsa motho ea se nang takatso ea ho fana le ho atisa bosebeletsi.
 - 1) Boikokobetso ba Moshe bo ile ba etsa hore a fane ka boemo ba bosebeletsi a sa khanane, ha a ka a batla ho ts'oarella ts'ebetsong a 'nots'i. Lemoha kamoo ho se nang bothata ka teng ha Moshe a laea le ho hlomamisa Joshua ho Deotr 31:7 le Num 27:16-23.
 - 2) Bakeng sa ho atisa bosebeletsi, le ho holisa mosebetsi, u lokela ho fetisa lesokoana la ts'ebetso ka boikemisetso. Moshe o ne a ikemiselitse ho etsa hona. Kajeno, kahar'a kereke, re hloka mofuta oona oa boikokobetso.
- 4. Moshe o ne a hlompha ba bang.
 - a. Ho fokola ha boikokobetso ho etsa motho ea sa hlompheng ba bang.
 - 1) Boikokobetso ba Moshe bo ile ba etsa hore a hlomphe ba bang.
 - 2) Lemoha kopano ea Moshe le Mohoe oa hae, Jethero.
 - a) Ho Eks 4:18, re ithuta hore Moshe o ne a amohela taolo le tsamaiso ho tsoa ho Molimo ka Sebele sa Hae. Empa hoo ha oa ka ha etsa hore a utloe e ka ha a sa hloka ho hlompha e moholo ho eena. Moshe le Jethero ba ile ba etsa tumellano (Eks 2:21), 'me Moshe o ile a ikokobetsa ho lekana hoo a ileng a hlompha taba, leha a ne a ka 'na a e hana kapa ho se e tsotelle.

Notes

—

SEBOPEHO SA BOKRESTE

Notes

- b) Ho Eks. 18:17-27, re bona hore Moshe e ne e le moetapele oa topollo ea mohlolo o moholo. O ile a tuma lefats'eng leo lohle. Empa o ile a 'na a amohela keletso ho tsoa ho Jethero, eo ka nako eo, ho neng ho hloma e ka bothata boo ha bo moame (Jethero), ha a na seabo ho borarolla.
 - c) Boikokobetso bo ile ba etsa hore Moshe a hlomphe Jethero. Tlhompho eo, e ile ea etsa hore a khone ho amohela ts'ehetso le ho fumana molemo ho tsoa lekhotleng la hae la baetapele.
- b. Hangata, ho fokola ha boikokobetso ho etsa motho ea phelang a ingama-ngama a belaela.
- 1) Moshe o ne a sa belaele ka letho, le ha maemo a mang a ne a ka motlama ho ingama-ngama, ha a ka ba etsa hoo. Boikokobetso ba hae bo ne bo sa molumelle ho tlala lipelaelo.
 - a) Boikokobetso bo kenyetsa taba ea hore ha o na litokelo tseo o ka ts'oarellang ho tsona ho hang. Bo utloisisa hore ha o na letho leo o ka le bitsang la hau. Molimo oa fana, ebile oa nka ho ea ka thato ea hae, hobane ke Molimo. Moikokobetsi o ananela le ho amohela hoo. Qetello ke hore ha a belaele ka letho.
 - b) Boikokobetso bo fokotsa tsotello ea motho ea "litokelo" tseo a ka reng ke tsa hae. Boikhohomoso bo etsa motho ea lulang a lebeletse seo a nahanang hore sea molokela. Qetellong hona ho etsa hore motho a tlale ka pelaelo.
 - 2) Moshe ha a ka ba belaela ekasitana le ha ho thoe a ke ke a kena lefats'eng la pallo.
 - a) Haeba ho ne hona le motho ea nang le "tokelo" ea ho batla ho hong ho tsoa ho Molimo, ke Moshe. O ne a tetse le ho fana ka bophelo bohle ba hae ho etella Baisraele pele ho ea lefats'eng la pallo. Leha ho le joalo, Molimo ha a ka ba a lumella Moshe ho kena lefats'eng leo.
 - b) Moshe ha a ka ba belaela. boikokobetso ba hae bo ile ba etsa hore a amohela kotlo ea hae, a sa botse Molimo potso le ha e le ngoe. Ha a ka ba nganga kapa hona ho ngala. Ha a ka ba a leka ho "bua" ka litokelo tsa hae. Ha a ka ba belaela toka ea Molimo. Empa o ile a rorisa Molimo (bala Deotr 32:48-52; Deotr 33).

SEBOPEHO SA BOKRESTE

E. Qetello.

Notes —

1. Boikokobetso ke karolo ea bohlokoa-hlokoa ea sebopeho sa Bokreste. Bophelo ba Moshe bo re behela mohlala o motle oa kamoo Molimo a ka holisang karolo eo ea sebopeho sa Bokreste kahar'a Sechaba sa Hae.
2. Re khothaletsa hore Mokreste ka mong a nke e le boikarabello ba hae ho rapella ho ba le boikokobetso bo kang ba Moshe.
 - a. Thapelo eo e kenyeletse ho kopa Molimo hore a re kholise ka boikhohomoso bo mehopolong, lipolelong, limelong le liketsong tsa rona.
 - b. Haeba re chesehella ho kopa sena, Moea o Halalelang o tla qala ho sebetsa ho rona. O tla re kholisa ka boikhohomoso, 'me ka matla a hae, o tla tlosa boikhohomoso ho rona, a re tlatse ka boikokobetso.

IV. Boetapele.

A. Selelekela.

1. Ho Deotr 28:13, Molimo o ile a etsa ts'episo e kholo ho sechaba sa Hae. O ile a ba bolella hore ha ba ka momamela, ba boloka melao ea hae, O tla ba etsa "lihlooho e seng mehatla."
 - a. Bakreste ba phela lefats'eng le angoeng ke sebe sa Adama. Leha ho le joalo ba bolelloa hore e be letsoai la lefats'e. Ba tlameha ho ba leseli. (Math 5:13,14). Ba lokela ho ba baetapele ba lefats'e lena le silafetseng, ba etelle batho topollong le tokolohong.
 - b. Ha Bakreste e se baetapele, lefats'e le hloptjoa ke litholoana tsa "lifofu tse etellang lifofu tse ling pele (Math 15:14)."

SEBOPEHO SA BOKRESTE

Notes

2. Thutong ena ea sebopeho sa Bokreste, ho bohlokoa ho ithuta ka likarolo tse fapaneng tsa sebopeho sa moetapele. Tsela e ntle ea ho etsa hoo ke ho ithuta ka bophelo ba Nehemia.
 - a. Buka ea Nehemia e ngotsoe ho ipapisitsoe le ho haha naha le sechaba sa Israele.
 - 1) Ka 587 B.C., Babilona e ile ea isa Juda kholehong. Kamor'a hore Babilona e hlloe le ho haptjoa ke Ba-Persia, Spera o ile a fetola molao o neng o entsoe ke Babilona, a lumella Bajuda ho khutlela Jerusalema ho ea haha aletare ea Morena le Tempele (Esera 1-6). Empa motse oa Jerusalema o ile a oa sala o sa sireletseha. Ho ne ho se lerako la ts'ireletso.
 - 2) Ka 445 B.C., Nehemia o ile a tla Jerusalema ho tla haha marako a motse. Ka matsatsi a 52, mosebetsi oona o moholo hakana o ne o phethetsoe (Neh 6:15). Molimo o ile a sebelisa Nehemia ho etellapele ts'ebetso eo e kholohali.
 - b. Haholo ha re sheba likhaolo tse ts'eletseng tse qalang, re bona boiphihlelo le litsebo tsa Nehemia tsa boetapele. Kahoo, re ka khona ho ithuta likhaolong tsena, ha re batla ho bona mohlala oa mofuta oa moetapele ea hloahloa.
3. Boithuto bona bo kenyeletsa likarolo tse tharo tsa mantlha:
 - a. Sebopeho sa moetapele mabapi le kamoo a amanang le Molimo ka teng.
 - b. Sebopeho sa moetapele mabapi le kamoo a amanang le ba bang ka teng.
 - c. Sebopeho sa moetapele mabapi le eena (moetapele).

TLHOKOMELISO: litemana tsohle tse fanoeng li amana le buka ea Nehemia, ntle le tse 'maloa tse hloaueng ho ts'ehetsa tse ling tsa lintlha.

SEBOPEHO SA BOKRESTE

B. Sebopeho sa Moetapele mabapi le kamoo a amanang le Molimo ka teng.

Notes —

1. Moetapele o lokela ho its'etleha le ho ba le ts'epo ho Molimo.
 - a. Hang ha Nehemia a utloa bothata ba sechaba sa habo, o ile a batla sefahleho sa Molimo. (sheba kamoo a entseng sena ka teng ho 1:5.)
 - b. Hang Nehemia o ile a ea ho Molimo bakeng sa ho etsa qeto. (sheba 2:4.)
2. Moetapele ke motho oa thapelo.
 - a. Joalokaha re ithutile bophelong ba Moshe, sebopeho sa moetapele se kenyeletsa cheseho ea ho tsamaisoa le ho tataisoa ke Molimo. Motho ea tsamaisoang ke Molimo o lokela ho emela Molimo kamehla.
 - 1) Nehemia o ile a ema le ho rapela likhoeli tse 'ne pele a nka khato (khoeli ea Chislev (1:1) ho isa khoeling ea Nisan (2:1), nako ena e bapile le khoeli ea Ts'itoe ho isa ho 'Mesa).
 - 2) Moetapele o lokela ho ba le tiisetso. O lokela ho emela Molimo hobane, Molimo ha a etse lintho ka potlako joaloka batho!
 - b. Moetapele o lokela ho chesehella ho phetha morero oa Molimo, ho ena le ho phetha morero oo e leng oa hae. kahoo, thapelo ha e tsoe kelellong(boinahanong ba hae). Pele a rapella eng kapa eng, o lokela ho batla tataiso ea Molimo bakeng sa lintho tseo a ka li rapellang le tseo a ka lumelang Molimo bakeng sa tsona.
 - 1) Hona ho bolela hore moetapele o rapela thapelo ea ho batla thato ea Molimo pele a rapela thapelo ea tumelo (ha ho le joalo, tumelo ea hae e na le motheo oo e ka emang ho oona).
 - 2) Nehemia o qetile likhoeli tse 'ne a batla thato ea Molimo pele a rapela thapelo ea tumelo ho 1:11.

SEBOPEHO SA BOKRESTE

Notes

- c. Thapelong, moetapele ha a etelle Molimo pele ho kopana le batho bao a ba(moetapele) eteletseng-pele, empa o etella batho pele ho kopana le Molimo. Ha a bolelle Molimo seo a batlang Molimo a se etse. O hlahisa baetelloa-pele ho Molimo, oa ba rapella, a kope Molimo ho ba thusa, a nto ba etellapele. O ea ho Molimo bakeng sa sechaba sa habo.
 - 1) Mona re lokela ho bua ka bohlokoa ba ho ba karolo ea batho bao o ba etelletseng pele. Ho thata haholo ho rapella batho bao o seng karolo ea bona.
 - 2) Ho ba karolo ea batho ho kenyeletsa “boikarabello ba kopanelo.” Moetapele o lokela ho ikutloa e le karolo ea sebe le molato oa sechaba sa habo. Testamente e Ncha e re bonts’a hore re lokela ho jarisana mats’oenyeho ‘moho (1 Bakr 12:26), jarelanang mefokolo (Bag 6:2), le llele sebe sa e mong (1 Bakr 5:2).
 - a) Bala 1:6, 7 ho bona kamoo Nehemia a ileng a rapella sechaba sa habo ka teng.
 - b) Baetapele ba bang ba hloahloa joaloka Abrahama, Moshe, Jeremia, le Daniele, ba ile ba rapela ka tsela ena.
 - (1) Kaofela ha bona ba ne ba boulela botumo le lebitso la Molimo (moetapele ea nang le kamano le Molimo).
 - (2) Kaofela ha bona ba ne ba na le lerato la ‘nete ho ba bang (moetapele le ba bang).
 - (3) Kaofela ha bona ba ne ba sa tsotelle maphelo a bona. Ba ne ba sa ichebe bo-bona. (kamano ea moetapele le bo-eena).
- 3. Moetapele ke motho oa tumelo.
 - a. Ho 1:5, re elelloa hore Nehemia e ne e le motho ea nang le mehopolo e metle. E ne e le monna oa tumelo. Mehopolo ee e metle le tumelo li ne li thehiloe kae? Li ne li thehiloe holim’a lintho tse tharo.
 - 1) E ne e le holima tumelo ea hae e sa sisinyeheng hore Molimo o tla khona ho arabela litlhoko tsohle tsa hae. Tumelo e qala ka boleng ba Molimo. Thapelo ea hae e qalile ka polelo ea seo Molimo a leng sona, e le se neng se tsepame haholo bokhoning ba Molimo “Oho Morena Molimo oa Maholimo...Uena Molimo o Moholo, o ts’abehang.”

SEBOPEHO SA BOKRESTE

- 2) E ne e ipapisitse le tumelo ea hae e matla hore Molimo oa ts'epahala 'me o tla arabela thapelo ea Hae. tumelo e etsa hore o lumele hore Molimo o na le uena, e seng khahlanong le uena. Thapelo ea hae ile ea tsoelapele ho bonts'a hore Molimo, ke Molimo oa toka le lerato "ea bolokang selekane sa hae sa lerato ho ba moratang."
- 3) E ne e ipapisa le ts'epo ea hore o boemong bo nepahetseng. Tumelo e kenyeletsa kutloisiso ea seo o leng sona. Thapelo ea Nehemisa e qetella ka tlhaloso ea mofuta oa batho bao Molimo a ratang ho ba thusa. Ke ba neng ba na le kamano le Molimo, 'me ba na le kutlo ho Molimo "ea bolokang selekane sa hae sa lerato ho ba moratang, ba mamelang melao ea hae."
- b. Tlhaloso ena ea "mehopolo e metle", e fapane le tlhaloso e tloaelehileng e hlalosoang ke lithuto tsa matsatsi ana. Tlhaloso ea Bible e ikamahanya le lits'episo tsa Molimo le seo Molimo a se chulong. Lithuto tsa matsatsi ana tsona li ikamahanya le litakatso tsa motho le seo motho a se buoang.
- c. Hopola, tumelo e ka emela Molimo. Lithuto tsa matsatsi ana li supa taba ea ho khotsofatsoa hang-hang. Mabapi le thapelo kapa ts'episo ea Molimo, thuto ena e re "re ka bolela le ho iphatlalletsa seo re se batlang, 'me re tla se fumana hang."
- 1) Hangata thuto ea Bible ea tumelo, e bua ka tumelo le ho emela Molimo (a ku bale Baheberu 11 kaofela). Mabapi le ts'episo ea Molimo, thuto ena e re re lokela ho "amohela le ho e lumela."
- 2) Ha re ntse re letile, tumelo e khona ho shebela-pele, empa e sa hanyetse bonnete ba joale (ntho ena e khahlanong le likarolo tse ling tsa thuto e tloaelehileng haholo ea "mehopolo e metle" ea matsatsi ana).
4. Moetapele o tseba Molimo.
 - a. Nehemia e ne e le monna ea neng a tseba Molimo le lits'episo tsa hae (bala 1:8,9). Ha moetapele a tseba Molimo, e leng Moetapele oa 'nete (Molimo), hoo ho tla hore moetapele eo a etellepele hantle.

Notes

—

SEBOPEHO SA BOKRESTE

Notes

Mohlala oa Sengoli:

Sebapali se akhelang bolo pele (bolong ea maoto America), se tseba seo mokoetlisi oa sona a se nahanang moo a emeng teng.

Hape, sebapali sena ke sona se shejoang haholo ke libapali tse ling bakeng sa ho fana ka lehlakore kaha e le eena ea utloisisang liponts'oa tsa mokoetlisi ho feta libapali tse ling.

Beha mohlala oa hau:

- b. Ka tsela e ts'oanang, moetapele ea tsebang Molimo, o tseba lentsoe la Molimo le litsela tsa Hae.
5. Moetapele o ts'aba Molimo.
- a. Nehemia o ne a ikemiselitse ho latola litloaelo tsa baetapele ba mehleng ea hae (bala 5:15).
 - 1) Ka nako e ngoe, ho latola litloaelo tse itseng, ho susumetsoa ke borabele khahlanong le babusi, ho its'ena, kapa thahasello ea ho fumana bolateli.
 - 2) Le ho le joalo, mohopolo oa Nehemia e ne e le o hloekileng. O ile a latola litloaelo tsa baetapele ba nako ea hae hobane o ne a ts'aba Molimo.
 - a) O ne a batla ho khahlisa Molimo a 'nots'i. O ne a sa tsotelle ho khahlisa bo-eena kapa batho ba bang.
 - b) Kahoo, khato ea hae e matla, e ne e amana le morero oa Molimo (Bar 12:2).

SEBOPEHO SA BOKRESTE

b. Moetapele oa 'nete o lokela ho ba le kamano e tebileng le Molimo.

- 1) Boitlobetso le cheseho ea hae bakeng sa Morena e lokela ho khothaletsa le ho susumetsa ba bang ho hola kamonong le Molimo.
- 2) Ntho ena e etsahetse boetapeleng ba Nehemia ha a ne a khothatsa batho ba hateletsoeng ho qala le ho phethela mosebetsi o neng o bonahala o le thata ho fihlelleha.

Notes

—

C. Sebopeho sa Moetapele Mabapi le Kamano ea Hae le ba Bang.

1. Moetapele ea hloahloa o utloisisa ho rala le ho tsamaisa.

- a. Ntlha-a-mantlha bakeng sa tsamaiso e ntle ke ho tseba tlhoko pele o etsa moralo.
 - 1) Nehemia o ile a latela taba ena ka ho botsa lipotso tse neng li amana le batho(1:2).
 - 2) Moetapele ea hloahloa, o batlisisa litlhoko pele, e be o haha mekhoha ea ho li arabela.

Mohlala oa Sengoli:

Mokoetlisi papaling ea bolo, ha a etse moralo oa ts'ebetso pele a tseba matla kapa mefokolo ea libapali tsa hae. O hlahlola libapali tsa hae pele a nto etsa meralo a ipapisitse le boiphihlelo ba bona.

Beha Mohlala oa hau

SEBOPEHO SA BOKRESTE

Notes

- b. Mokhoa oa mantlha oa ho rala, ke ho hlophisa le ho bokella batho ho ea ka likamano le mekhoha e seng e ntse e le teng.
 - 1) Nehemia o ile a latela taba ena, eaba o hlophisa le ho bokella batho ho ea ka likarolo tsa malapa a bona (3:1, 3), metse (3:2, 13), litsebo (3:8), lipitso (3:1, 28), merabe (3:17), le maemo a bona a ts'ebetso (3:9, 12, 15-17).
 - 2) Nehemia e ne e le mohlophisi ea hloahloa. Bonyane lihlopha tse 39 tsa basebetsi ba fapaneng ba ne ba nkile karolo mosebetsing oona oa ho haha.
- c. Lehlakore la bohlokoa la botsamaisi bo botle, ke ho aba matla le maikarabello. Moetapele ea sa abeng maikarabello le ho fetisetsa matla ho ba bang, ha hlile ha se moetapele. Qetellong o tla lematsa le ho senya bao a ba eteletseng pele, 'me o tla senya le bona boetapele ba hae.
 - 1) Baetapele ba hloahloa ba aba le ho fetisetsa matla ho batho ba bang hobane ba ikemiselitse ho ts'epa ba bang. Ba sebetsa ba se na ts'abo ea ho lahlehela ke maemo, matla le taolo. Hopola ntlha e fumanoang ho Math 16:25, ha o ka leka ho ts'oarella le ho boloka eng kapa eng, u tla lahlehela ke hona.
 - 2) Tse ling tsa lisupo tsa boetapele ba 'nete, li bonahatsoa tlhomamisong, koetlisong, le phahamisong ea ba bang. Lethathamo la lihahi le khaolong ea 3, le bonts'a boikemisetso ba Nehemisa ba ho arola le ho aba maikarabello le taolo.
- d. Motsamaisi ea hloahloa o etsa tekano e nepahetseng pakeng tsa matla le boikarabello.
 - 1) Mosebeletsi ea fuoeng matla a mangata ho feta boikarabello, o tla ferekana a be a jooe ke bolutu.
 - 2) Mosebeletsi ea fuoeng boikarabello bo bongata ho feta matla o tla imeloa a sitoe ho sebetsa ka mafolofolo.
 - a) Nehemia o ile a etsa tekano e ntle. Motho ka mong o ile a fua boikarabello ba ho haha karolo e itseng ea lerako. O ne a fua matla a ho sebetsa karolong eo. (bala 4:15).
 - b) Qetello e ile ea ba hore, lihahi li ile tsa khothala, tsa ba mafolofolo hobane ba ne ba tseba hantle seo ba lokelang ho se etsa, le se lebeletsoeng ho bona.

SEBOPEHO SA BOKRESTE

2. Moetapele ea hloahloa o tseba ho khothatsa le ho thoholetsa ba bang.
- a. Ho nyahama e ka ba sera se seholo sa moetapele. Haeba o lahla morolo o so o shebane le ho fihlela sepheo feela, ho ts'oana le ho khanna koloi kapa kariki eo lebili le leng la eona le se nang moea.
- 1) Ho Nehemia, ho nyahama ho ile ha tla ho basebetsi ba hae ka ho lahlehelo ke matla, pono le sebete (4:10), le tahlehelo ea ts'ireletseho (4:11).
- 2) Nehemia o ile a atamela ho nyahama hoo joang?
- a) O ile a kopanya mesebetsi ea basebetsi ba hae bakeng sa sepheo se ts'oanang (4:13).
- b) O ile a etsa hore ba shebe le ho tsepamisa maikutlo a bona ho Morena (4:14).
- c) O ile a boloka tekano e ntle pakeng tsa mohopolo le ketso (4:15,16).
- d) O ile a hlalosa le ho hlakisa moo bohle ba ka kopanang teng (4:20).
- e) O ile a khothaletsa le ho hlophisa litsela tsa hore batho ba thusane (4:21,22).
- b. Moetapele ea hloahloa o khothatsa ba bang ka ho beha mohlala.
- 1) Baetapele ba hantle ha ba sututse kapa ho susutlella. Ba hulela batho ho bona ka ho beha mohlala o ka lateloang. Sheba 5:14-19.
- a) Nehemia o ile a beha mohlala ka kutloelo-bohloko le ka ho tela litokelo tsa hae (5:14, 15).
- b) O ile a beha mohlala oa boitelo (5:16).
- c) O ile a beha mohlala oa ho sebetsa ka matla (4:23).
- 2) Ha mohlala o sa lateloe, moetapele o lokela ho ikemisetša ho fana ka khalemo ka mekhoe e matla.
- 3) Nehemia o ile a bonts'a boiphihlelo karolong ena ea tsamaiso mabapi le ba meharo (5:1-13).

Notes

—

SEBOPEHO SA BOKRESTE

Notes

c. Moetapele ea hloahloa o akofisa ts'ebetso ka ho haha likamano tse matla le batho ba bang.

- 1) Tsebo ea Nehemia ea mabitso a baetapele ba hae, le phetako ea polelo, “ba tsosa karolo ea...” (3:11, 19-21, 24-27, 30), e bonts'a kelo-tlhoko le tsotello e kholo ea basebetsi ba hae.
- 2) Ho eloa-hloko ke moetapele, ho etsa hore batho ba ikutloe e le karolo ka botlalo ho se etsoang, ebile e etsa hore ba ikutloe ba ts'ireletsehile.
- 3) Thoholetso le kelo-tlhoko, ke mekhoha ea bohlokoa ea ho khothatsa batho.

d. Moetapele ea hloahloa o ithuta ho khothatsa ka mekhoha e kahare.


- 1) Khothatso ea bokantle (chelete, maeto a phomolo) e matlafatsa motho ha nakoana.
- 2) Khothatso ea bokahare (khotsofatso ea mosebetsi, sepheo) ha e phetse ho khothatsa le ho matlafatsa.
 - a) Kannete-nete, liphuputso tse mabapi le tsamaiso ea khoebo le mesebetsi, li bonts'a boleng bo matla tabeng ea ho khothatsa bokahare ho feta khothatso ea bokantle.
 - b) Nehemia o ile a sebelisa khothatso ea bokahare ha a ne a bua ho 2:17, ha a ne a biletsa basebetsi ho tla le ho sebetsa 'moho.

SEBOPEHO SA BOKRESTE

e. Ketsahalo ea ho khothatsa.

- 1) Moetapele ea hloahloa o hlakisa boleng le boholo ba mosebetsi o lokelang ho etsoa ka mokhoa o utloisisehang. E be o akofisa ts'ebetso. Qetellong o lokela ho tlisa ts'epo maikutlong a batho. Ketsahalo ena e tloha bonneteng, ho ea ketsong, ho ea tumelong.
- 2) Sebelisa sets'oants'o se latelang ho bonts'a kamoo Nehemia a sebelisitseng mokhoa oona oa khothatso (bala 2:16,17).

KETSAHALO EA KHOTHATSO



3. Moetapele ea hloahloa o tseba hantle kamoo a lokelang ho sebetsana le tlhaselo ea bahanyetsi le lira ka teng.
 - a. Haeba moetapele a sa nyefoloe, hoo ke sesupo sa hore ha a etse mosebetsi oa hae ka nepo (bala le Lk6:26).
 - b. Hangata, nyefolo e tsamaisana le katleho. Ha katleho e le kholo, nyefolo e ba kholo. Baetapele ba lokela ho arabela nyefolo ka bohlaale.
 - c. Nehemia o ile a arabela nyefolo e neng e motobile ka tsela e ntle haholo ho 6:1-8.
 - 1) O ile a lemoha mohloli oa nyefolo ho 6:12.
 - 2) A nto lemoha lebaka la nyefolo ho 6:13.
 - 3) Ha a ka ba lumella liketso tsa banyefoli ho moferekanya, eena le basebetsi ba hae. ba ile ba tsoelapele ba tsepamisitse mahlo le maikutlo holima seo ba se etsang e seng nyefolong. Ba ile ba tiisetse le ho tsepamisa maikutlo a bona ts'ebetsong.
 - 4) O ile a sebelisa thapelo (4:4, 5, 9) le phehello (4:6) ho loants'a nyefolo. O ile a boetse a sebelisa kelello (4:9).

Notes

SEBOPEHO SA BOKRESTE

Notes

Mohlala oa Sengoli:

Haeba u nahana hore hona le motho ea ka choatlang koloi ea hau hore a tle a kene ka hare, u oa rapela, o ts'epe hore Molimo o tla e sireletsa. O nto koala le ho notlela mamati (ts'ebeliso ea kelello).

Beha Mohlala oa hau

- a) Nehemia o ne a se na tumelo e maikutlong feela. e ne e le monn'a thapelo le ketso. Lemoha kamoo 4:9 e hlakisa ka teng, “ra rapela... ra lebelo bosi le mots'eare.”
- b) Liketso ha li thibele kapa ho nena tumelo. Hantle ebile ke karolo ea tumelo.

D. Sebopeho sa moetapele malebana le eena.

1. Moetapele oa Mokreste oa itela.

- a. Ke motho ea tsotellang ba bang, e seng ho icheba bo-eena. Moetapele oa 'nete o lokela ho nahana “ba bang” e seng “eena.” Moetapele oa sebele o shebana haholo le boiphihlelo ba ba bang ho feta ba hae.
 - 1) Nehemia—lethathamong la hae la basebetsi le tseo ba li fihletseng—ha a ka ba tsepamisa maikutlo ho eena. O ile a shebana haholo le boiphihlelo ba ba bang.
 - 2) Moetapele oa sebele o ikemisetse ho nka lipelaelo ho feta ba bang, ho ena le ho nka thoriso ho feta ba bang.

SEBOPEHO SA BOKRESTE

- b. Moetapele oa sebele o lokela ho tlosa mahlo ho eena ho a beha ho ba bang. Haeba a ts'oenyeha haholo ka eena le mathata a hae, a ke ke a khona ho thusa ba bang. O lokela ho ba le bolokolohi ba ho sebeletsa. O lokela ho utloela batho ba bang bohloko.
- 1) Jesu o ne a khona ho utloela mats'oele bohloko hobane o ne a khona ho sheba thoko le Eena le litlhoko tsa hae, e be o sheba ba bang le litlhoko tsa bona (bala le Mareka 6:31-39).
 - 2) Nehemia le eena o ile a tlosa mahlo ho eena a ba le kutloelo-bohloko ho bao a ba eteletseng-pele (sheba 1:4).
2. Moetapele oa sebele o bonts'a boitelo le boitlhabo.
- a. Moetapele oa Mokreste o lokela ho itella sechaba sa habo. O lokela ho nehelana ka bo-eena bohle bakeng sa bao a ba eteletseng-pele.
- 1) Ho ea ka Bibeke, monna ke hlooho(moetapele) oa mosali (Bae 5:23). Boikarabello ba hae e le hlooho (moetapele) bo akarelitsoe ho Bae 5:25. O lokela ho "motella bophelo ba hae."
 - 2) Ha moetapele a se na boitolobetso, boitelo le 'nete, ha a na khona ho etellapele hantle. Haeba a se na boikemisetso ba ho beha bophelo ba hae fats'e bakeng sa bao a baeteletseng-pele, o qetella a lahlehelo ke khothalo, 'me hoo ho tla etsa hore a lahleheloe ke sepheo sa hae.
 - a) Ha ho se tlhakisiso e batsi ea sepheo, ho thata ho ba moetapele. Sepheo seo se lokela ho shebana le ho hlohonolofatsa ba eteletsoeng-pele.
 - b) Baetapele ha ba a lokela ho itumella ho sitisoa ke khohlano ea litakatso. Ha ba a lokela ho lumella litakatso le lithato tsa bona ho ba thibela ho sebeletsa le ho fihlela litlhoko tsa ba bang.
- b. Baetapele ba Bakreste ba tlameha ho ikemisetša ho ints'a sehlabelo mekhoeng ea bona ea ho phela.
- 1) Ba lokela ho hana ho phela ka tllamatseho le ka boiketlo ha feela bao ba ba eteletseng-pele ba phela ka bofutsana.
 - 2) Ntlha ena e bohlokoa haholo, hobane e netefatsa boitelo ba moetapele (bala 5:14, 17, 18).

Notes —

SEBOPEHO SA BOKRESTE

Notes

Ntlha ea Puisano

Hlalosa kamoo liketso tsa Nehemia li ileng tsa bonts'a boitelo le seriti se setle ka teng.

3. Baetapele ba Bakreste ba bonts'a boikokobetso.

a. Baetapele ba Bakreste ba lokela ho ikokobetsa. Ha ba a lokela ho ikhohomosa le ho ipona ba le betere. Boikokobetso bo lokela ho ba susumetsa ho sebetsa le batho ba bang.

1) Ho 2:17, Nehemia o ile a iketsa karolo ea batho.

a) Ha a ka ba a re: “Hona ke kenya-kenya ea lona. Se le tla bona na le e rarolla joang.”

b) Empa o re: “Bothata bona ke ba **rona**. ntho ena **re** lokela ho e etsa.”

2) Ho 4:23, Nehemia o beha lipolelo tseo ts'ebetsong.

a) O ile a sebetsa le batho ba habo. O ile a ema le bona, le eena joaloka bohle o ile a sebetsa ka thata.

b) O ne a sebetsa ka thata a sa itsotelle. Boikokobetso ba hae bo ile ba etsa hore a nke karolo ts'ebetsong e ts'oanang le ea bohle, feela e le moetapele oa bohle.

b. Baetapele ba Bakreste ba etsoa Sefapanong.

1) Moetapele oa Mokreste o lokela ho ipapisa le Jesu, ea ileng a inkela sefapano. Ke ka tsela ena feela tlhola ea tsoho e tla bonahatsoa bophelong le mosebetsing oa moetapele.

2) Karolo ena ea boetapele, e tla ka kamano e matla, e tebileng le Molimo.

3) Re ka re moetapele oa 'nete o sebetsa hantle ha a le moo a bonoang ke bohle. Empa 'nete ke hore moetapele oa sebele o sebetsa hantle bo-monng. Hona ke hore, baetapele ba hloahloa, ba etsoa ke ha ba qeta nako le Molimo.

SEBOPEHO SA BOKRESTE

E. Appendix ea Libopeho tsa boetapele ho tsoa ho Nehemia.

Notes —

1. Tumelo (4:14, 15, 20; 6:16).
2. Thapelo (1:4-11; 2:4; 4:4, 5, 9; 5:19; 6:9, 14).
1. Kelello (2:12).
2. Ho ts'aba Molimo (5:9, 15).
3. Ho ts'epa Molimo ka botlalo (2:8, 18).
6. Tsebo (1:2; 2:8, 12-15).
7. Temoho (6:12).
8. Tsepamo ts'ebetsong (2:17).
9. O etsa tse etsehang (3:21-23, 28-30).
10. Tiisetso (4:21).
11. Tlhokomelo (2:12-16).
12. Bots'epehi (5:9-12, 14-19).
13. Boitlhopho (2:6-8, 11-16).
14. Sebete (6:11).
15. Bohlale (2:5-8).
16. Khalefo e lokileng (5:6).
17. Ts'ireletso ea moo ho fokolang (4:13).

SEBOPEHO SA BOKRESTE

Notes

V. Sebopeho sa Boitelo.

A. Selelekela.

1. Re ka akaretsa tlhaloso ea sebopeho sa Bokreste ka lentsoe le le leng “**boitelo.**”
 - a. Boitelo ke karolo ea botho e thusang moetapele ho lebala ka litlhoko tsa hae bakeng sa ho arabela litlhoko tsa ba bang.
 - b. Boitelo ke sebopeho se lumellang Krete ho phela ka ho rona. “Kahoo bophelo boo ke bo phelang ha se ba ka, empa e se le e ba Krete ea phelang ka ho ‘na (Bag 2:20).”
2. Ka bokhuts’oane re tla sheba tse ling tsa likarolo tsa bophelo ba Francis oa Assisi, monna ea phetseng ka bo-1200 A.D., bakeng sa ho utloisisa haholoanyane ka sebopeho sa boitelo bophelong ba Mokreste. ‘Nete ke hore hona le mehlala e mengata haholo Historing ea kereke eo re neng re ka khetha ho eona (joaloka bo Martin Luther, jj.)

Ntlha ea Puisano

Francis oa Assisi o phetse bophelo ba boitelo. Cheseho ea hae e ne e le ho itokolla bo-eeeneng e le hore a tle a tsebe ho etsisa Krete ka sebele. Bophelo ba hae bo ne bo tletse ka tsoseletso hobane a ile a amohela moea o ileng oa isa Krete sefapano (Math 16:25). O ile a amohela moea oa boitelo. Ke ka litsela li fe o itelang?

B. Tokoloho le Boitelo.

1. Boitelo bo tlisa tokoloho, ha boichebo le boitsotello bo re etsa makhoba. Boitsotello bo etsa hore re be makhoba ho bo-rona. Boitelo bo etsa hore re be le tokoloho ho bo-rona, re be le bolokolohi ba ho sebeletsa Molimo le ba bang.
2. Francis oa Assisi o ile a fumana tokoloho ka ho itela.
 - a) Ka nako e ngoe ha a ntse a nahana ka bolokolohi ba nonyana, o ile a e sala morao ho ea ntlong moo e neng e eme hona teng. O ile a tsamaela butle ho ea fihla moo e neng e eme teng. Eaba nonyana eo e-ea fofa. Nonyana eo e ne e lokolohile ka botlalo.

SEBOPEHO SA BOKRESTE

- b) Francis o ne a batla ho fofa. O ne a batla ho lokoloha. O ile a utlosisa hore, e le hore a tle a fofe, o lokela ho ba bobebe haholo. O ne a lokela ho itokolla mojarong o boima oo a neng a o jere. O ne a lokela ho shoa bo-eena.
- c) Bala le ho lemoha moelelo oa Math 11:28-30 mabapi le tlhaloso ena ea bolokolohi.
3. Bolokolohi bo ile ba isa Krete sefapano. Hona le tokoloho boitelong “Moo Moea oa Morena o leng teng, tokoloho e teng (2 Bakr 3:17).”

Ntlha ea Puisano

Bua ka bohlokoa ba Bag 5:13 le 1 Petr 2:16 kamoo li amanang ka teng le lintlha tsena tsa tokoloho le boitelo.

C. Thabo le boitelo.

1. Thabo ke tholoana ea boitelo. Khatello-maikutlong ke tholoana ea boitsotello.
 - a. Francis o ile a bolella balateli ba hae hore, ke boikarabello ba bona ho tlala ka thabo le ho phahamisa lipelo tsa ba bang.
 - b. Francis e ne e le monna ea tletseng ka thabo hobane boitelo ba hae e ne e le ba ‘nete. Ha a ka ba leka ho its’usutlella ho shoa bo-eena. O ile a ikhethela ho shoa bo-eena, hobane o ne a batla ho ts’oana le Krete. Kahoo, ts’oenyeho le boits’oaro ba hae li ile tsa etsoa ka thabo.
2. Boitelo ba ‘nete bo netefatsoa ke moea o tletseng thabo.
 - a. Francis o ne a rata ho itima lijo. Hona e ne e se mojaro o boima ho eena. O ne a sa e thabele hobane e ne e le mofuta o mona oa batho ba itlhokofatsang. O ne a e thabela hobane mehopolo ea hae e ne e hloekile, e le ea ‘nete.
 - b. Moea oa boichebo o tlisa khatello. Moea oa boitelo ba ‘nete o tlisa thabo.

Ntlha ea Puisano

Hlalosa kamoo hona e leng ‘nete litemaneng tse latelang: Math 13:44; 2 Cor 8:2; Baf 2:17,18.

Notes

—

SEBOPEHO SA BOKRESTE

Notes

TLHOKOMELISO: mona ke liqotso tsa Francis mabapi le boitelo.

D. Lipolelo tsa Francis oa Assisi.

1. “Kaholimo ho lineo tsa Moea o Halalelang le mehauhelo eohle eo Kreste a faneng ka eona kahar’a Kereke, ke ho hlola botho/boichebo, e be re lumella lerato la Kreste hore thusa ho mamella mats’oenyeho, mahloko le litlhapaolo, nyeliso le litlhoko (sheba Luk 6:22, 23).”²
2. Ha a bua ka bohlae, bonolo, bofumanehi, boikokobetso, lerato le kutlo, Francis o re: “Limelo tsena li tsoa ho Molimo. ‘Me ha ho motho le ea mong a ka phelang ka limelo tsena a sa shoa bo-eeneng pele.”³

VI. Boits’oaro le boikoetliso ba semoea.

A. Selelekela.

1. Ha re ntse re ithuta ka sebopeho sa Bokreste, re lokela ho sheba le boits’oaro. Bophelo ba Bokreste bo lokela ho ba bophelo bo nang le boits’oaro. Boits’oaro bona bo lokela ho susumetsoa ke lerato leo ratang Kreste ka lona.
2. Lentsoe morutuo, le tsoa motheong o le mong le lentsoe ‘boits’oaro. Morutuo oa Mokreste ke motho ea latetseng Jesu Kreste, motho eo o tsamaisa bophelo ba hae ka tsela ea Kreste.
3. John Wesley, mothehi oa lekhoutla la Methodist, e ne e le monna oa boits’oaro. E ne e le motho ea etsang lintho ka tatellano e raliloeng ka boqhetseke, a bile a behile nako bakeng sa ketso ka ngoe, leetong la hae le Molimo.
 - a. Leha ho le joalo, e ne e se motho ea nang le moea oa tloaelo feela. Bokreste ba hae e ne e se ba boits’usutlello.
 - b. E ne e le Mokreste ea itolobetsang e le ka ‘nete. Bokreste ba hae (le boits’oaro bo tsamaisanang le Bokreste ba hae) ke ntho ea neng a e phela ka bolokolohi le ka thabo.
 - c. Boits’oaro ba hae, ho feta lintho tsohle, e ne e le tsela ea ho laola mafolofolo, boitolobetso, le cheseho eo a neng a na le eona bakeng sa Kreste.
4. Re tla sebelisa bophelo ba Wesley ho ithuta ha khuts’oane ka bohlokoa ba boits’oaro bophelong ba Bokreste. Hona le mehlala e mengata e metle e ka beng ntse re e sebelisitse paleng ea Kereke (joaloka John Calvin).

SEBOPEHO SA BOKRESTE

B. Lekhotla se Halalelang.

1. Qalehong ea mosebetsi oa hae, Wesley o ne a tsamaisa sehlopha seo ho thoeng ke “Lekhotla le Halalelang.” Sehlopha sena se ile sa ba le mekhoha e itseng e nang le boits’oaro ea ho etsa lintho.
 - a. Ba ne ba itima lijo habeli ka beke.
 - b. Ba ne ba na le nako ea thoriso, thapelo, le boithuto ba Bibe le ‘moho ho tloha ka 5:00a.m. ho isa 9:00 a.m. letsatsi ka leng.
 - c. Ba ne ba rapella bafumanehi/bafutsana ho tloha ka 6:00 p.m. ho isa 7:00 p.m. letsatsi ka leng.
 - d. Ba ne ba bala libuka tsa boithuto ba Bibe le ho tloha ka 7:00 p.m. ho isa 9:00 p.m. masiu a mahlano bekeng ka ngoe.
2. Litho tsa sehlopha sena sa ‘lekhotla le Halalelang’ li ne li na le boits’oaro ka mokhoa o makatsang. Leha ho le joalo, boits’oaro ba bona e ne e se tloaelo feela. Boits’oaro ba bona bo ne bo susumetsoa ke lerato le ba neng ba rata Molimo ka lona, le cheseho e matla ea ho Motseba.

C. Bolokolohi, e seng Tloaelo.

1. Boits’oaro bona ba litho tsa Methodist tsa Pele, bo ka etsa hore batho ba bang ba bo nke e le ho etsa lintho ka tloaelo feela, hoo moelelo o sa tebeng.
 - a. Le ha ho le joalo, boits’oaro ba Lekhotla lena la Methodist, bo ne bo ne bo sa thehoa mabapi le boits’oaro le bokhoni ba botho, empa bo ne bo thehiloe ts’usumetsong ea Moea o Halalelang le cheseho ea ho ba le kopano le Molimo.
 - 1) Boits’oaro bo ne bo etsoa ka baka la cheseho ea khalalelo. E ne e se qetello. E ne mpa e le tsela fela e isang qetellong, e leng ho tseba Molimo ka botlalo.
 - 2) Sepheo sa boits’oaro bona e ne e se ho tlamella le ho susutlella batho ho etsa ho itseng. E ne e le tsela ea ho memela batho ho tla kamanong e behang litholoana le Krete
 - b. Boits’oaro bo susutlelloang bo ka etsa hore batho ba etse lintho ka tloaelo, ho se moelelo o tebileng ho seo ba se etsang. Leha ho le joalo, boits’oaro bo susumetsoang ke Moea o Halalelang, le boithaopo ba motho ka mong, bo tliša bolokolohi le bophelo.

Notes —

SEBOPEHO SA BOKRESTE

Notes

2. Boits'oaro ha se mohloli oa pholoho. Ke tholoana ea pholoho.
 - a. Ke karabelo ho Molimo e reng, “Ke rata ho u fa bophelo bohle ba ka hobane o mphile bophelo bohle ba hau.” Boits'oaro ke sesebelisoa se ka thusanang ho “sebeletsa pholoho ea lona” (Baf 2:12).
 - b. Kahoo, boits'oaro bo amahangoa le ho khotsofala ho feta pholoho. Ha re inehela ho Moea ho re halaletsa, re tla hola boits'oarong likarolong tsohle tsa bophelo ba rona.
 - c. Sepheo sa boits'oaro bophelong ba Bokreste, e lokela e be khalalelo le kamano le Molimo.
 - 1) Mokreste o lokela ho ba le boits'oaro hore a tle a tsebe ho laola nama ea hae (1 Bakr 6:12-20).
 - 2) Boits'oaro bona e lokela e se be “boits'oaro ba nama feela.” Boits'oaro bo lokela ho bolokoa mabapi le loka ha Molimo, e seng ho ea ka botho feela (1 Tim 4:7, 8).
 - 3) Ho feta lintho tsohle, sebopeho sa Bokreste se kenyeletsang boits'oaro, se lokela ho hlakisoa ke ho ba le nako le Molimo. re lokela ho koetlisa likelello tsa rona ho lula li le boteng ba Molimo. re lokela ho ikoetlisetsa ho rala kamehla, le ho phela ka tlhophiso eo re e entseng letsatsi ka leng, haholo-holo ho kenyeletsa le ho beha borapeli pele (ho ba le nako le Molimo.)

Ntlha ea Puisano

Bonts'a kamoo Bakreste ba pele ba ileng ba phela ka boikoetliso ka teng libopehong tsa bona. Bolela moelelo le qholotso ea Liketso 2:42.

SEBOPEHO SA BOKRESTE

Qetello

Notes

¹F.B. Meyer, Moses (Fort Washington, PA: Christian Literature Crusade, 1978), p. 101.

²D.K. Chesterton, St. Francis of Assisi (Garden City, N.Y.: Image Books, 1957).

³Ibid.

SEBOPEHO SA BOKRESTE

Notes

—